

ODLUKU**O USVAJANJU PROSTORNE OSNOVE PROSTORNOG
PLANA PODRUČJA POSEBNIH OBILJEŽJA OD
ZNAČAJA ZA FEDERACIJU BOSNE I HERCEGOVINE
"SLIV RIJEKE UNE" ZA PERIOD 2008. DO 2028.
GODINE****I.**

Usvaja se Prostorna osnova Prostornog plana područja posebnih obilježja od značaja za Federaciju Bosne i Hercegovine "Sliv rijeke Une" za period 2008. do 2028. godine.

II.

Ova Odluka stupa na snagu narednog dana od dana objavljivanja u "Službenim novinama Federacije BiH".

PF broj 01/02-23-1211/09

22. septembra 2011. godine

Sarajevo

Predsjedavajuća
Doma naroda
Parlamenta Federacije BiH
Karolina Pavlović, s. r.

Predsjedavajući
Predstavničkog doma
Parlamenta Federacije BiH
Dr. Denis Zvizdić, s. r.

**VLADA FEDERACIJE
BOSNE I HERCEGOVINE****1422**

Na temelju čl. 43. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10), Vlada Federacije Bosne i Hercegovine, na 20. sjednici održanoj 4. listopada 2011. godine, donosi

UREDBU**O IZMJENI UREDBE O NAKNADAMA KOJE NEMAJU
KARAKTER PLAĆE****Članak 1.**

U Uredbi o naknadama koje nemaju karakter plaće ("Službene novine Federacije BiH", broj 63/10 i 23/11), u članku 5. stavak 1. riječi: "jednom godišnje" brišu se.

Članak 2.

Ova uredba stupa na snagu narednog dana od dana objavljivanja u "Službenim novinama Federacije BiH".

V. broj 1014/11

4. listopada/oktobra 2011. godine
Sarajevo

Premijer
Nermin Nikšić, v. r.

1423

Na osnovi članka 21. stavak 1. Zakona o Fondu za zaštitu okoliša ("Službene novine Federacije BiH", br. 33/03), Vlada Federacije Bosne i Hercegovine, na 20. sjednici održanoj 4. listopada 2011. godine, donosi

UREDBU**O VRSTAMA NAKNADA I KRITERIJUMIMA ZA
OBRAČUN NAKNADA ZA ZAGAĐIVAČE ZRAKA****Predmet uređivanja****Članak 1.**

Ovom Uredbom propisuju se vrste naknada zagađivačima zraka prema vrsti, količini i porijeklu emisije zagađujućih materija, obveznici plaćanja naknada, kriterijumi za obračun naknade i korektivni podsticajni koeficijenti.

Značenje izraza**Članak 2.**

Pojedini izrazi upotrijebljeni u ovoj uredbi imaju sljedeće značenje:

- zagađujuće materije jesu emitovani sumpor dioksid SO_2 , azot dioksid NO_2 i čvrste čestice (prašina);
- emisija SO_2 je ispuštanje sumpor-dioksida (SO_2) i sumpor-trioksida (SO_3), izraženo kao emisija SO_2 ;
- emisija NO_2 je ispuštanje azot-oksida (NO) i azot-dioksida (NO_2), izraženo kao azot-dioksid (NO_2);
- emisija čvrstih čestica (prašine) je ispuštanje čvrstih materija koje predstavljaju kompleksnu smjesu organskih i neorganskih supstanci (ugljkovodika, metalnih oksida, kancerogena i dr.), a prečnika su manjeg od 100 μm ;
- korektivni koeficijenti su podsticajni korektivni koeficijenti koji zavise od količine i porijekla emisije;
- izvještaj o godišnjim emisijama zagađujućih materija je forma izvještavanja o ispuštanju zagađujućih materija u zrak za potrebe Registra zagađivača i zagađivanja u Federaciji BiH;
- obračunski period jeste period jedne kalendarske godine;
- prethodni obračunski period jeste period kalendarske godine koja prethodi godini u kojoj se donosi rješenje o utvrđivanju naknade.

Vrste zagađivanja**Članak 3.**

Vrste zagađivanja, u smislu Uredbe o vrstama naknada i kriterijumima za obračun naknada za zagađivače zraka (u daljnjem tekstu: Uredba), jesu sva zagađivanja zraka koja potiču od tehnoloških procesa, industrijskih pogona, uređaja i objekata koji ispuštaju u zrak SO_2 , NO_2 i čvrste čestice (prašinu).

Obveznici plaćanja naknade**Članak 4.**

Zagađivači zraka, obveznici plaćanja naknade (u daljnjem tekstu: obveznici) su sva pravna lica koja uzrokuju zagađivanje zraka, i to zagađivači koji imaju u vlasništvu ili koriste pojedinačni izvor emisije SO_2 i/ili NO_2 i/ili čvrstih čestica (prašine) iz pogona i postrojenja, a u nadležnosti su Federalnog ministarstva okoliša i turizma za izdavanje okolišne dozvole, kao i drugi zagađivači zraka iz kantonalne nadležnosti ukoliko imaju godišnje emisije u količinama kako je definirano člankom 8. ove Uredbe.

Kriteriji za obračun naknade**Članak 5.**

Naknada za emisije iz pojedinih izvora zagađivanja obračunava se prema vrsti, količini ili osobinama emisija slijedećih zagađujućih materija:

- oksida sumpora izraženih kao sumpor-dioksid (u daljnjem tekstu: SO_2)
- oksida azota izraženih kao azot-dioksid (u daljnjem tekstu: NO_2) i
- čvrstih čestica (prašine).

Za asfaltne baze primenjuje se emisioni faktor, odnosno masa emitovanih zagađujućih materija određuje se prema masi proizvedenog proizvoda, tako da za asfaltne baze iznosi 0,01% čvrstih čestica (prašine) u odnosu na ukupnu godišnju proizvodnju.

Obračunavanje naknade za emisije**Članak 6.**

Naknada za emisije SO_2 , NO_2 i čvrstih čestica (prašine) obračunava se prema izrazu:

$$N = N_1 \times E \times K_k$$

u kojem je:

- N - iznos naknade za emisiju SO_2 u konvertibilnim markama ili iznos naknade za emisiju NO_2 u konvertibilnim markama ili iznos naknade za emisiju čvrstih čestica (prašine) u konvertibilnim markama;